

亦有生齋集

亦有生齋集詩卷第十八

武進 趙懷玉 億孫

古今體詩

上章涪灘

賢良祠謁先恭毅公木主

松栢城西路戔戔祠宇尊

四朝恩未替五世澤猶存敢謂承弓冶毋忘植本根瓣香同

展拜難得是通門

是日與張文端
公元孫問陶俱

重建古墨齋歌爲胡大令

遜作

雲麾將軍有二李誰產狄道誰幽州其碑並出北海手價與
嶽麓安羅侔思訓較顯秀較晦龔爲柱礎無人收萬歷六年

戊寅夏令宛平者唯李侯

名蔭南陽人

輦從良鄉致都下羅列六

礎齋西頭大書其室曰古墨紛紛歌頌推黎

民歐大表

何年京

兆忽攜去

王惟儉攜四礎之大梁

僅存其二餘難求華亭昔有最初棚

鴻堂刻乃踈檢譽大興鴻臚

翁文方綱

精鑒別每慨妙蹟雲飛浮

遠向吳門購祖本羽言予忝爲繕修鈎摹三百六十字字

不啻琳與璆吾鄉胡君宰赤縣政成稽古先卽謀命工勒石

置諸壁頭還舊觀神明道視李侯碑字倍過筆意亦比香光

優鴻臚起追敬美迹重榜二字標來由作記作者備掌故一

洗凡論諸謬悠是時藤花正酣放落成觴酒邀朋儔軒窗洞

達天宇朗順仰爭喜開雙眸頗疑夜有虹貫月入室抵泛滄

江舟塵沙殘碣半湮沒茲獨何幸機緣投遼西郡公靈昌守

願此一舉輝千秋後來居鄉與司土惟願取法同徵搜酒闌
客散杖者出

謂翁丈

摩挲更爲斯須留

洪大

亮吉

遣戍伊犁未及一載有

旨赦歸志喜

青楓林外擬招魂此日生還入玉門

詔下已聞伸士氣身留何以答

君恩可能詩酒捐狂態想見妻孥拭淚痕氛祲未消雲漢倬
幾人封事爲重論

題鮑氏墓圖二首

堪輿載漢志繼者爲青囊貧傷力難擇富又擇太詳地師術
旣行棺每不得藏卓哉鮑氏子習俗破其鄉上葬五世妣曾

祖祔其傍承歡在終古長蔭松柏蒼請銘復寫圖先德久益彰世人怵禍福曷勿觀吳塘

已卜吳塘地更營葉博塢以安爾恭人如堂復如斧生本才德齊死宜魂魄聚合葬自周公此風亦云古況共一區祠僅隔二里土環佩聲相隨牲醪歲常舉禮緣義所起權以經爲主厥後占克昌寶惟自求祐

六月九日爲李西涯生日同人集詩龕分得秋字

瓣香重下茶陵拜嘉祀詩龕歲一修人愧八仙方病酒

座客八人

予方節驚十日又迎秋且同納爽憑閑坐曾記看花出郭遊

往年此日集積水潭等是林亭閒處好夕陽似勸客淹留

前詩意有未盡復成此作

小西涯繼舊風流圖史紛陳梧竹幽有約客來如結夏連番
雨過便成秋古人顯晦都關命下位行藏尙易謀不待子規
聲到耳鄉心我早夢刀頭

謝祠部

擬定

席上分賦迎秋得章字

樹間聲已颯然涼謝客筵前共舉觴毒暑退如權勢去清商
發爲詠歌忙畏驅疲馬衝殘潦怕聽疎砧起夕陽我欲盡消
秋士怨醉邀白帝抗封章

題竹林七賢圖

晉代尙曠達七賢其首選同爲竹林遊廢幾古狂狷康公性
清儉盛德輩所鮮旌命盡時賢薄俗爲之轉中散本臥龍塵
垢視軒冕才多苦識寡衰世遂難免步兵方外士脫略棄禮

典心未忘經綸迹乃託沉湎小阮亦可人始平終偃蹇子期
蒙莊流任職聊龜勉尤愛伯倫達無爲論非淺惟嫌王濬冲
太與時舒卷晝夜執牙籌志趣亦近褊胡爲五君詠所黜在
貴顯品從優劣分名豈尊卑辨誰歟作此圖流傳獨完善或
琴而或奕餘亦各自遣茗荈隨意供杖履有人撰親炙旣無
由風流尙堪緬得者永珍之十襲藏篋衍

同年丁大令

履端

入都以罷官復官前後詩見示卽次其

韻

宦海升沉亦偶然五湖那許逐鷗眠項強莫墜平生守腰折
須償未了緣始信是非隨地定祇餘情緒向詩偏賡酬試讀
東陽集小吏都知長吏賢

君去官後有東陽倡
和集縣吏亦能詩

衝泥滑滑入都來欲訴離情首倦回事過豈猶留芥蒂風清
早已絕塵埃官如方醒殘宵夢心比重然冷竈灰聞說近來
剛制酒暫同聽雨且銜杯

種遍河陽桃李枝盤根錯節又經時明看座上常懸鏡紫爰
機中未染絲一輩人誇同學貴十年自悔讀書遲浮榮爭似
名爲寶獨立蒼茫有所思

池有嘉魚野有鶉幾時共乞草堂身許由但覺山難買原憲
何曾仕救貧好果能真龍自下御如無過馬終馴蒼生正賴
循良出我已神遊懷葛民

七夕汪戡子

學金

招飲芥室

洗車急雨昨宵傾疲馬衝泥趁午晴七夕花瓜答佳節卅年

綺紵見深情却嫌暝色催人速且喜星光照酒明此會舊游

重屈指當筵只有謝宣城

去歲七夕同人集余寓齋今同座者惟謝薌泉耳

七夕汪庶子

學金

席上分賦得占蛛絲

漢案戶風披簾如眉斜月低挂簷此時家家齊乞巧銀燭光
寒畫堂悄捉得蜘蛛釧合藏瓜果筵前致私禱朦朧曙色起
爭看驗取絲多與絲少可憐有網蛛何似無巢鳩世間萬事
巧遞拙絲多勿喜少勿憂君不見金梭化去鍼神老吉慶花
飛委秋草天孫能織雲錦裳博得別恨經年長

哭吳觀察

樹萱

慘澹秦雲昨夜頽寄書未達計先來出關忽斷朝天夢論獨
空傳草檄才憑舍斂惟諸僕在望旌旗竟一棺回公門是處

多桃李太息甘棠未久栽

西風又起碧梧枝去歲過從正此時最愛傾心頻對酒忍看
便面舊題詩去年七夕同人集余齋中君詩先成書扇爲贈身常健好偏妨壽性卽
豪華亦可師衰病自慚稱後死卅年交誼重追思

留琴室歌爲朱山人鶴年作

野雲山人性好古素琴一張研三五有時潑墨氣滿牕有時
揮弦聲出戶忽然肱篋人來侵起視四壁惟留琴此曹亦知
能自量未敢強附爲知音山人肯使興摧敗渲柴丹青作佳
話一圖遠向東海行一圖仍向南軒挂君先作留琴室圖爲高麗使臣取去今復
爲世間萬物轉眼空桐君爾獨晨昏同飛鴻影盡落霞紫鞠
通夜鳴長不死

送何侍御

道生

出守九江

半載東方持節巡又攜琴鶴向江濱去愁京國交遊違到後
廬山面目真餘事何妨耽嘯詠好官寧止耐清貧庾樓月滿
開樽夜可有新詩憶故人

題張大令

桓

風木圖

生抱鮮民痛嗟哉門祚單官爲古循卓境憶舊艱難夢裏山
邱遠圖中風樹寒不須多著墨都作淚痕看

世母原如母

大令幼夫情特鞠於世母江

遺孤得所依有恩同罔極此誼

近尤稀哺羨羣鳥返心傷寸草違好將三錫命圖報播餘徽

瘦石篇爲陳上舍

用光

賦

石土磊落姿一見宛如舊翩然雲中鶴飛塵不敢垢其人比

玉溫爰石乃在瘦性取堅以貞質貴皴而透頻頻郭熙畫時
出米芾袖何以配一卷疎梅環左右用保歲寒盟庶結同心
臭吾聞肉食者營營計豐富車澤或瘁人家肥易招寇豈如
山澤癯長與松柏茂治瑕既可攻厲齒亦堪漱書瘦可通神
身瘦則多壽唯此骨嶙峋寶稟氣靈秀嗟予成老頑頗思附
君後

楊司馬

瑛景

書來述河西近狀作此却寄

之官兩月意如何書至知成安樂窩塵不到門臨水近事無
留牘得詩多且爲老圃餐菘韭

來書云廨後有園可種菜自給

漫羨初衣住

薛蘿我自明年定歸計扁舟訪戴準經過

次周侍郎

興岱

奉

命使蜀用少陵將赴成都草堂寄嚴鄭公五首韻

詔簡廷臣出國都侍郎首縮海青符相如草檄文初就元亮
還家徑未蕪兵退漸看人起市村荒尙聽烏催酤地形自古
曾推險緩急應煩周亞夫

手藝名香薦綠蘋同時嶽瀆盡迴春濫觴誰問源頭水呼氣
疑通天上人叱馭那愁驅棧道采風知復念車鄰一從使者
宣

威德別覺閭閻景象新

吹笛如聞和武溪冥冥五里霧猶迷游氛未靖襄樊外全勢
先籌隴蜀西野館濃花朝過驛孤城落日暮收蹄燹餘田地
禾生少幾處門前帶掃泥

舊說門外掃禾遺
粒謂之掃泥米

峨眉山色倦憑欄却羨眠鷗靜浴湍但使將能思馬革何妨
賊許待雞竿梁州持節仍嚴武函谷乘輅有郭丹三度草堂
詩疊和世家濟美似公難

尊甫文恭公再使蜀中皆和少陵此詩

晨光鄉樹望熹微仕宦真成晝錦歸入告謨猷都報可直陳
情事在彈非司農急務供軍食

天子仁心弭殺機霜上髭髯塵上面半年容易脫征衣

九月三日將遊西山出阜城門遲同人於慈悲院

年來百事慵獨未倦幽討五更起披衣笑比早朝早出郭叩
寺門問時剛及卯龕燈耿猶明砌葉堆不掃遊侶遲後車清
齋飽新稻神先往西山主況有東道前境憶茫茫曩遊悔草
草幸復結淨緣暫借袪愁抱回頭望城中風埃一何浩

渡渾河

危橋幾尺壓桑乾但聽風濤心已寒一樣客來遲到岸津梁
疲後欲行難

將度羅喉嶺飯於奉福寺

欲使雙輪息先爲一飯留餐宜菰味晚來負桂香秋
得友渾忘倦尋山漸喜幽筍與排次第早待上羅喉

寺中盆
桂甚盛

山行示同人

十七年過彈指間又攜叩竹入深山鐘聲同聽斜陽裏難得
人都似我閒

暮至渾柘寺宿

雨作西山遊今秋而昔夏昔記投戒壇今喜宿渾柘人乘暮

色來僧集上方迓青蒼衆峯抱金碧夕陽射倦鳥歸林端亂
泉鳴石罅爭看平仲木寺有銀杏最奇徐進維摩舍伊蒲適口足行
李任心卸談深燭頻翦坐久鐘欲罷自慚麋鹿性老作桃李
嫁苦將十年勞易此一宵暇風聲與水聲和夢入清夜

龍潭

葉落正疑雨曉日明窻南茲山多勝概最上推龍潭褰衣導
衆陟舊徑吾夙諳有亭翼然峙壤檻憑激湍波明晃人影倒
看天蔚藍坡陀各小坐高下仍窮探或捫海蟾石亦憩彌勒
龕扶杖敢告疲酌泉頗覺甘平生論清福天惠我則貪豈無
解岩壑半爲富貴酣

少師庵

南飛燕子啄皇孫佐命勲誰第一論自是禪心貪蟒玉翻教
帝座遁緇髡精靈合傍長陵住面目還依丈室存回望相城
如化鶴九原慚對女嬰魂

妙嚴公主禮佛輓

元祖勸馬上晚始混九隕順聖后最賢于宋恩禮篤諸王盡
隆準大都習戎服貴主凡四人下嫁多右族未聞皈空門仗
佛修淨福今來大士前林立皆眷屬其旁留古輓妙嚴有遺
躅相傳祝髮處卽在此山麓持誦觀音文頂禮歷寒煥尙存
雙趺痕想見五體伏係以紫柏贊貯彼花欄木精神苟專注
金石亦銷縮小儒嗤誕妄毋乃識編局但聞慈悲力普使幽
明燭如何令妖髡陵墓徧逞毒寶器恣搜括枯骸爭踐蹴煌

煌天衣寺過者慘心目縱證一家果長聞萬鬼哭

篋中龍子詞

大青小青生何年法力能衛諸天禪華嚴講經潭夜徙至今
龍子紛流傳龍子來聞鐘自徘徊龍子去山深不知處我來
恰見一龍子蟠伏篋中宛其死對之誦梵唄昂首掉舌若傾
耳入夜忽放光光從鱗甲起觀者投一錢龍兮亦爲僧所使
吁嗟乎爾旣通神合昇舉胡不驅風雷致雲雨乃同尺蠖困
泥土世無劉累爾合飢彼葉公者何人斯

延清閣卽事

嵐光若遠若近雲氣自西自東詩情到此俱逸畫本何人獨
工

每聽粥魚響後卽來小閣清齋可惜隔牕亭子不教有酒如

淮

對閣有流杯亭

次韓封君

是升

韻贈月朗上人

樹老雲深別有天東風回首舊遊年誰拈花得參高座且喫
茶來入淨鉢夢好竟成三宿久障輕猶恃一心堅靈山他日
期重訪再把春秋問大顛

戒壇看松遂登千佛閣

潭柘以泉勝戒壇以松名遙看積翠影已覺聞濤聲入門各
舊識俯仰如相迎一樹具一態巧與造物爭我昔曾作歌今
猶未忘情撫之久盤桓徐起周化城捫幢稽歲月訪碣披榛
荆我詩無紗籠早逐塵沙傾惟有選佛場與塔長崢嶸

我我千佛閣實爲此山弁誰同賈勇登老友不言倦

謂韓封君渾

河從西來遠勢走如線其右列若屏青嶂拱一面是時秋已

深林葉霜初徧夕陽還照之紫綠頃刻變莫嫌色相空能使

天地絢荆關費烘染丹汞失淘鍊說與未遊人聞之定生羨

二君祠

祀學士圖轄布曹宗丞學閔

我昔謁宗丞古道粹於面拳拳篤師門

謂錢文敏

爲善樂無倦學

士跡稍疎風流亦所羨自我歸南中景光去如電老成繼殂

謝悵望不可見今來拜祠下落葉秋山徧生同蓮社游沒共

椒漿薦魂魄戀勝區聲名入佳傳日暮重徘徊寒鐘起僧院

同人尋化陽洞余以曾遊未往

洞天深處我曾遊今日輸人出一頭舊侶不來僧老死禪堂

獨對可憐秋

西峯寺

不惜攀蘿葛西峯取徑偏
迎人剛夕照入寺但荒烟
僧競供山果魚曾戲沼蓮
摩挲庭樹古聞自宋流傳

宿龍泉菴次吳侍讀

錫麒韻

結友遍探勝年來無此歡
行逢秋色霽夢逐水聲寒
世網辭嫌晚遊蹤續恐難
茅菴初月夜珍重各憑欄

龍泉菴夜坐再次伍堯侍講

法式善韻

放眼多名山息影竟何地
今宵宿招提愛此翠微翠
泉驚蟄龍吟月破棲鳥睡
面目久抗塵行藏兩滋媿
窻明謝秉燭漏永聊假寐
跡欣龍象託身悟蜉蝣寄
結習已都忘登臨尙心

醉

皇姑寺

出關機早決塵蒙女德居然有士風叩馬日能先納諫奪門
人敢各貪功心香漫說焚修苦手勅曾聞禮數隆贏得保明
懸賜額勝他捨宅是何充

歷游三山大悲諸刹

經秋懶出門一日遍諸寺野衲頗逢迎精藍工位置情隨陟
境改氣覺與時異山茶開覆檐海棠紅照地無泉不琮琤有
石皆詭秘客先吾每緩此取彼或棄偶因煮茶留略等逢場
戲如行山陰道如讀洛陽記

由香旼寺至寶珠洞

慈雲霽香界峻坂升平坡衆美具岩壑古色紛松蘿旁瞻翠
華塔直瞰盧溝河人騎渺如豆歷歷烟中過因尋洞幽窅肯
憚山嵯峨剖疑不合螭含若方孕螺黑白旣異質珠璣亦殊
科未騎仙鶴背已探驪龍窩我有長劍倚氣與圓輝摩

贈孫孝廉

仲清

嘉招五日踐幽期酒殘茶鐙事事宜好客君真孔文舉治行
我媿鄭當時芒鞋布襪合成伴紅葉青山遍覓詩便欲過從
從此始莫教風雨費尋思

盧師山尋秘魔崖

絕嶂高倚天忽從寺左起其下不測淵泉聲清到耳言尋尸
陀林踏葉信雙履有崖曰秘魔深廣纔丈咫傳聞師初來卓

慈壽寺觀九蓮菩薩像歌

慈寧宮中夜授經菩薩入夢傳真形覺來經義都通達太后
前身卽菩薩太后好佛兼好儒講筵常使帝講書有時不讀
或長跪左右挾持嚴起居承大器者豈獨爾不思爾亦都人
子先生親受付托重納誨還應念憑几九蓮忽感天降祥一
花一葉都放光閣臣獻賦紀盛事依稀猶記申許王是時海
內晏然治湯沐錢爭布初地祇園建本爲祝釐上薦昭陵下
祈嗣我來幸瞻滿月容絹素半被蛛絲封十襲已無宮監守
瓣香猶有老僧供丹青繪後碑重勒想見當年充物力卽看

寶塔十三層曾費水衡千百億金題玉蹠俄成塵獨此完好
同長椿長椿寺有孝純劉太后像畢竟龍天善呵護能教異代留精神君
不見五更掖坐水盥面晚歲猶聞視朝倦悼靈王死甲申前
安知菩薩非哀憐

摩訶菴

舊跡訪摩訶中官侈崇報疎林葉打頭我爲看松到

衣冠留畫像

趙政

碑碣臥荒墳

張堯

猶有僧寮護居然勝碧

雲

辭山半日久距郭八里近遊興殊未闌塵心已難問

九日登天元閣

登山歸後正重陽傑閣仍來俯大荒攜酒漫尋黃菊醉褰衣

獨接白雲涼九衢任客輪蹄擾一事誇人腰脚強西望亂峯青隱約昨朝遊跡已茫茫

立冬日同人集亦有生齋爲銷寒第一集

重陽等閒負佳節人思展適逢太常齋

謂汪庶子學金

又復虛勝踐

今辰乍開冬風日頗清善瓦盆菊不多從俗未能免置之斗室中高下色深淺雖無釵可拔尙有衣堪典粗糲聊取供咄嗟敢云辦吾儕愛疎曠餘夢戀雲巘身苦爲塵縛興還憑酒遣但使長合并何須戒沈湎前會曾幾時迎秋今已餞銷寒請隗始事待九九歲

題唐子畏畫像

坐對青山墊角巾何時實父爲傳神聰明竟許逃危地科第

翻嫌果達人三絕名喧兒女口六如禪悟兮泡身桃花塢畔
飄紅雨孤負年年送好春

菊花餅二首

手撷秋英佐夕餐山厨無意飽湯官自從帶有風霜味寒具
如今分外寒

銀泥玉屑漫求精愛爾香從晚節生三徑已荒歸未得何人
市上識臺卿

九月廿六日大雪

入冬方五日積雪已凝寒稍慰農田望終愁兵氣干將誰同
李愬客欲傲袁安門外深三尺明朝行路難

陳孝廉

用光

榜後出都乞詩爲其尊人太守

守諱

壽

神芝及甘醴豈無根與源德者福之致壽縣仁所敦不徒身
康彊逢吉在子孫先生古循吏太邱况高門鄉閭亦爲政貧
困賴以存于湖早流澤潁川復理煩羣占季虎躍果喜一鶚
騫以此識庭諧其來乘家尊明年始懸車聞卽返邱園逍遙
向綠野浩蕩辭朱轡孝廉詣余別歸治春酒樽餘慶衆所知
高情難與論

濮陽策蹇行爲李大令

符清

導荷澤塞瓠子決河深川法在史李侯鳩工集萬指集萬指
人赴功功成侯乃還清豐是時積雨滿塗潦騎馬如泛江湖
中馬瘠僕痛身亦困策勳反賴長耳公歷山山色看未足朝
食畢羅昏露宿短衣席帽升琴堂隸起攜訶吏驚矚君不見

希夷先生行華山賦國西湖日往還古人遊戲無不可面目
要須留故我

觀津祈雨歌爲楊司馬

璞和

追作

并序

歲壬子近畿旱司馬時攝武邑令延衡水老農楊某禱
雨爲壇東郊以席爲城周遭百二十步以方几千事立
高臺凡十三級老農立其顛焚香誦經官率百姓拜禱
其下三日而大雨旣爲圖紀之復屬爲詩

淮陰太守蠲煩苛曾致車後隨滂沱郢州亦有田使君精誠
格天山出雲自昔民歌旱不苦盈川爲政今如古歲當元默
宰觀津正值肥蠶杲畿輔炎風吹塵日杲杲夜坐瞻星常到
曉何人能慰明府憂衡水老農善祈禱席城百廿步高臺十

三層異哉老農身非僧焚香乃作雲氣蒸誦經聲未畢沛然
下雨盈溝塍大田有秋百姓賀功欲歸農官任過農兮何敢
貪天功帝座賴官呼吸通

銷寒第二集鮑郎中

之鍾

席上分賦飲中八仙得蘇晉

吾愛蘇侍郎好禪兼好酒胡僧繻彌勒寶之不釋手云同嗜
米汁他佛性則否世皆目其狂謂與伶籍偶豈知樹立處卓
然自不朽蔚爲名父子家學有所受高文代王言讜論矢臣
口典選賞必精論交要在久親衰遽解職天性比人厚派開
長公前才繼仲宣後耽暫寄麴生揖非徒墨友庶幾禪可逃
方覺酒無負願爲君買絲醕君一大斗

送莫少司空

瞻萊奉

使盛京

行隨

冊寶任何崇佳氣

陪京望鬱蔥上寒寒先冬十月重臣貴亞漢三公日從殘夜
生東海雪到晴天闕朔風定有奇詩滿歸橐傾杯待撥桂爐
紅

銷寒第三集吳庶子

錫麒

席上咏張檢討

問陶

所藏方秦

交葛稚川移家圖

稚川先生百無競不羨封侯願求令非欲爲榮以有丹丹成
老可祈長命遂將子姪赴廣州廣州刺史遮道留洞天第七
眼前是著書暇卽容優游移家當屬此時事誰寫丹青傳後

世曾聞盛懋作兩圖一往一行都匠意茲圖筆力亦秀娟月
泉款署康熙年幾簾琴書雜鷄犬一門眷屬皆神仙羽蓋飄
揚風嫋嫋鹿車人共征塗杳漫誇照乘有明珠玉樹丹光爭
月皎男兒性命枉末流宏農術斃山宗謀先生獨超埃壘外
下視豺虎同虬蜉張君學道愛抱朴尺幅高懸見私淑嗟予
坐受八口累索米飢常效臣朔雲烟富貴有若無但未脫屣
輕妻孥羅浮地遠苦難縮大滌華陽商卜築

華嚴世界圖歌爲汪庶子

學金作

鴻濛肇分溟滓判輕而清者爲蔚藍誰吹水聚得建立遂使
萬象俱包含道家之天三十六禪家之天三十三欲界雖高
去人近要從無色窮追探我我宮殿栖帝釋左右日月行駸

彈下矚四洲地輪載鋏圍山抱鹹海涵衆生與我渺一粟偶
然止泊當其南筦窺蠡測苦力短六合外敢崇夸談春浮居
士善知識十年清夢依林嵐手拈華嚴圖尺幅遍招慧業交
相參我聞如是不求解此理亦頗中心諳須彌芥子隨所納
空花一任開優曇升沉生滅眼前有惡趣戒墮瞋痴貪他時
位置我自定便入寶蓋夫何慚且燒木佛當爐火朔風正厲
宜沉酣醒邀祇陀酒共飲醉與彌勒眠同龕

詩龕新篁白石圖歌用東坡書王定國所藏烟江疊嶂圖

韻

名流佳卽成名山何必圖畫登凌烟維詩有龕本無定跡所
到處皆翛然新篁猗猗石皓皓便傲綠野驕平泉主人視詩

爲性命先河後海法祭川采句不遺下里陋賸歌直到鄉雲
前就中愛陶及韋柳謂去雕飾純乎天虛心每悟師有在賁
色要與文爭妍但營幽栖足偃仰肯事生產饒園田種樹登
山聊遣興研朱滴露渾忘年左邀一品愛磊落右對千个憐
嫵媚雨過常令書卷潤風來好助軒窗眠玉堂官職本天上
如君乃合真稱仙自嗟黃塵日驅走翰墨濫結過從緣披圖
忽憶草堂舊竹石欲歸不得慚讀鍾山篇

燭栗

霜前佳果數漁陽漑釜平添晚市忙最喜客來供小噉每逢
車過有餘香和飴甘學黃金實着火寒收白玉漿腰脚自憐
無昔健河東一飯意難忘

黃退思先生

際飛

瞻雲畫卷爲卜葬其先人作也曾孫

仰

出示卷中有先曾祖侍讀君詩因次原韻題後

白下谿山最有情
匠心想見筆縱橫
此中馬鬣封如許
知是先生隻手營

百年遺事已茫茫
尙賴丹青奕葉藏
始信孝思真不匱
笑它求福相陰陽

文章氣勢莽江河
曾記髫齡三復多
今日烟雲重到眼
披圖肯放等閒過

通門交誼久逾真
明德欣看有達人
客裏一鐙同述祖
天寒莫負酒生鱗

題仇實父西望瑤池圖

承華殿中機務閒墉宮忽下青衣鬟自言來自崑崙山殷勤
特傳阿母意從此清齋謝人事七日爲君當暫至香焚百和
燈九光萬籟寂寂星煌煌至尊肅立階之旁二更雲向西南
起白鶴斑龍紛似蠅阿母居然好女子黃金褰襦冠晨嬰天
厨親設芬芳盈蟠桃雖甘種不生曲罷微言珍重付笑促靈
官駕直去下席叩頭乞少住絳河遠隔心徘徊上元何真乃
肯來徹也好道殊勤哉形圖五岳文六甲珊瑚玉函藏妙法
徹非仙才仙骨乏丹青誰寫西望時但有漢闕無瑤池翩其
姍姍來何遲通天臺高去天咫敝屣妻孥却思子聞說銅仙
淚如水一箱一杖避劫燒茂陵松栢終蕭蕭爲劉盛主亦大
妖

老友韓封君

是升

既遊西山歸屬同遊胡九思作圖而錄

紀遊詩於後距其已酉遊時已十二年距其從兄洗馬

彥昌

遊時則五十六年矣爲題是作

東老老彌健好遊興不疲歲星一周中兩探西山奇前遊遊
侶少卽景皆成詩茲遊盛朋簪詩乃躑括爲復恐境難索遺
畫溪壑姿陳跡既永駐展卷如列眉數典不出家近事況可
師君家老洗馬先路實導之囊中多勝地游者無已時蘭亭
書獨傳遊社圖爭披雲烟易過眼所賴人留貽

庚申十二月與熊侍郎

枚

周侍郎

興岱

周侍御

厚載

吳庶

子錫麒

吳編修

裕德

張檢討

問陶

爲銷寒之會用丁巳

冬夜集接葉亭韻

清秋纔記集高朋又共圍爐夜翦鐙紅滴春醅拌酩酊白燼
臘雪望豐登客都豪似鯨吞海我竟疲如馬渡滙容易便成
林下樂座中只有一人曾謂編修

詩賡舊句忽三年交盡忘形喜欲顛吾舌幸存猶好辯此身
如返敢求田食翻新譜家家異飲過平原日日連屈指自慚
參作者浮蹤恰繼竹林傳

東坡生日集芥室銷寒之集於是止矣因紀以詩

彈指九高會寒銷亦剎那迎春三日近望雪一冬過選味逾
重塞席間多設
關東物飯心到大坡酒闌聊慰勉今歲祭詩多

蘇文忠公生日同人集芥室用東坡八首韻

青青道旁草不如同圃蒿惟茲得朋樂庶慰應官勞奕旣坐

而隱醉或禪可逃國風詠兎罝大易占雉膏吾儕寡自效策
勦僅諸毛聊因歲崢嶸圖此文譙高

人無貴與賤要取意所適日糴太倉米故園荒芋栗薄祿苦
久羈閒身遂遲乞我思玉局翁氣等白雲逸恭逢攬揆辰瓣
香祀芥室文章與忠義躍躍人心出如何買田願至老未能
必

六翮凌高寒毳毛溫腹背梗枏非要藥遜彼七年艾通經務
足用乃可待際會吹之或嘘之噫氣任大塊驅車雖塵中倚
劍偶天外猖狂嘔阮籍夷白美蔡蒼性情豈容強嗜好各有
在遐哉張季鷹秋風慕尊膾

入冬忽十旬素心晨夕數春浮老居士善作見道語鮑謝六

朝人風格競颺舉侍講搽月旦憐才度鍼縷詩豪推季重酒
腸其撐拄獨客懶成吟吟成逗秋雨姚生猶抱璞終當買
匱
宮凡此盛合并皆堪傲鄉土願保歲寒盟倘冀衆心許

朔氣歛殘臍條風來大荒惟嫌冬少雪殊負三農望年豐萬
事足翹首視彼蒼頗聞楚蜀間奏捷語吉昌戢兵先買犢
革
俗從飲羊位卑敢言高杞憂耿未忘

治絲繭先剝治車輪首斲固由用力勤亦在秉志慙儲穀可
備災藏冰將禦雹吾斯未能信鹵莽戒仕學晨游濶朝市夜
夢歷川岳還歸讀我書大致觀犖犖無官令身輕有酒使顏
渥常聞善攝生虎兕失爪預

平生有微尚鹿柴連鷗村無端牽率至隨衆趨省垣今行將

作吏慚愧名臣孫回瞻邈天上踟躕出國門同調六七子殷
殷古處存多君尤好客幾度陳盤飧螭屐勝共探銜杯文細
論卽此便佳話可以傳後昆

重來真負負屈指已十年平原炊斷米元叔囊無錢果諧東
裝志宜計負郭田家縱乏長物床還餘舊氈雞黍苟養親博
奕爲猶賢有能訪茅容沽酒判十千

子 昶

姪學彭校字

亦有生齋集詩卷第六

亦有生齋集詩卷第十九

武進 趙懷玉

古今體詩

重光作噩

新正二日生一女是日綵服名之曰綵越四日而殤

四日竟成世前因孰遣來生真如露電死便委蒿萊難並殤

兄禮

謂添

空添病母哀

時山妻臥疾

新年情緒惡作達強啣杯

人日周侍郎

與岱

招同人集春雲翰墨之軒

銷盡寒威又買春排來盛集跨庚辛增年漸不勝三雅諷日
剛宜會七人前度籠爐今脫帽諸公臺省我趨塵草堂別有
關心在種就梅花便乞身

穀日韓封君

是升

招集一經齋再用前韻

如弦月上坐生春特翦盤蔬繼五辛天放晴和爲宜穀家傳

風雅儘誇人心清時有巖泉夢

君自言如此

衣潔曾無京洛塵記

取歲寒尋舊社得歸我亦便抽身

爲伍堯侍講

法式善

題羅山人

聘

所畫西涯詩意

西涯既卜築復作卽景詩借問誰後身吾疑是賓之

昔披輞川圖今入兩峯畫觸手成煙雲一讀一稱快

年年其詩龜忽訪愚公谷何時就積水重浣塵十斛

吳編修

裕德

招飲接葉亭再用前韻

唐花香藹綺筵春導月亭開正挹辛君肯一生常好客我甘
萬事不如人新詩脫手蠶成繭舊夢回頭馬絕塵莫惜迴燈

重斟酌相看俱是就衰身

燕九日遊白雲觀

都人重燕九爭集白雲觀頻年役官事今始約遊伴朝來出
西郊士女已魚貫松杉半奇古院宇頗巍煥升堂謁長春祝
禮復興歎諫獵帝心回燒金國用贊卽此功足多活人況無
算始知神仙流亦復賴猷幹栖霞倘終老麋鹿同隱竄縱攝
一已生何裨世理亂

題吳上舍

尚錦

巴江送別圖

詩名籍籍意翩翩書劍從戎正少年應是聞猿鄉思動輕帆
初下內江船

巴渝舞裏譜新聲想見風流石曼卿

謂石太
守龍王

我獨愛君姿颯

爽蓮花幕下坐談兵

來往曾輕萬里遊
又看楊柳度盧溝
何時載酒橫塘去
細雨斜風共一舟

題曹中丞

錫寶

遺像

先生我父執于官
爲後進杖履頻許
追文章常默印
自我失恃歸契濶疎
問訊忽聞鳳鳴高
能令鼠膽震官階
老雖滯風節久彌
峻終邀

異敷膺褒卹顯忠
盡遺容卅年餘展
卷可諦認獨立思
何深斯時尙青髯
前型嗟宛在繼起
喜重振飛霜舊畱
簡簡雲今有駿庶
幾荷門基勗哉歌
尚慎

寒食汪庶子

學金

招遊釣魚臺分得片字

冷節意不適獨酌興亦倦客來招我游天氣正清善西郊曉
馬首東風拂人面天桃正著花弱柳剛垂綫忽聞聲潏潏水
束勢逾濺行厨載酒旨席地鬪茶便差喜畱旗亭殊嫌少僧
院金源跡已荒處士名猶擅亦知釣魚樂徒有臨淵羨客各
生遐心君與吳庶子錫
麒俱有歸志吾宜爲俗戀蟄屐待同看故山青一
片

題崔孝廉旭詩

一卷新詩得氣清五言中更有長城海濱自狎閒鷗鷺不與
鴛鴦浪鬪名

伍堯侍講

法式善

夢登一山四面皆水松竹雜植猿鶴相

聞與余及吳庶子

錫麒

談長生術於其間遂賦一詩覺

而錄示因和其韻

不須臨水與登山得解何妨日閉關白首終期仙可學青雲
幾見烏能還舊時猿鶴勞相待老去風塵苦未聞莫道蓬萊
去人遠夢中有路敢辭艱

李舍人

鼎元

歸自琉球貽以布紙扇碗刀五物各系小詩

報之

舍人萬里歸貽我布三匹兩棉與一羅各具雪霜質亦有印
作花花名不能述開篋試裁衣海氣篋中出

球紙皆穀皮此獨繭所爲或云來日本大致同高麗榮稱錫
護壽永與文房宜慎勿汗惡札畱寫驚人詩

五華玉團扇不出中山宮民間行櫂子聚頭製特工黃塗金

燦爛青展雲溟濛使者一披拂中外揚仁風

木豆徧國中尊者用瓦缶惟茲瓊與盤形質朴而厚曾堆松
露菜更貯米汁酒每當享客時持之誇左右

袞刀二尺許剡短柄則長多君脫手贈使我氣激昂猶聞楚
氛惡兼苦蜀道長願將賊血洗再以七寶裝

送汪庶子

學金

南歸

忽聞移疾返江干勇退如君信所難正好風時偏轉柁最多
魚處獨收竿端明春夢浮生悟魏國秋容晚節看此著暫教
輸養直年來我亦宦情闌

趙忠毅公鎮如意歌爲吳編修

雲作

鎮如意何人製傳自前朝趙忠毅廉而不剡君子器鎮如意

何年成萬歷癸卯款識精是時公方屏田里海內共仰三君
名泰昌初元公再起數日拜官都御史彈冠衆正甫相慶側
目羣姦已爭毀縉紳禍忽逼清流垂老荷戈向代州全家死
亡外孫成賜環猶苦身羈留我握握君重歎息幾度摩挲幾
拂拭爾不能爲招遠之麾軍又不能爲太尉之擊賊唯有熱
血痕至今未曾蝕如公之意毫髮無紛紛造此何爲乎元金
一鈎入君手便勝七尺紅珊瑚我爲君作歌君爲我起舞碎
語唾壺芒角吐快行胸臆亦偶然生不百年名萬古

將出都門述懷兼別同志

生年過五旬筮仕逾廿載十稔戀故巢宦情亦云急飢驅仍
北來徒以有親在豈知二頃虛未卜一階改浮沉久西掖祿

也而寶餒窮達信由命出處都貽悔乞養與讀書蹉跎兩需
待聊將毛義檄歸巖老萊綵行先省南陔再往觀東海

東海列望郡最古惟青州城郭百堆雄人煙萬戶稠自從唐
宋後坐鎮饒名流茲行忝邦佐仰止欽前修頗聞山水佳足
恣物外游又聞金石富可備遺文搜攬勝放琅琊乘興凌滄
洲苟於閒曹稱便作樂土投賦性本麋鹿任客呼馬牛親衰
吾亦倦敢計長淹留

述祖誦清芬遐哉澤五世半由民社興循卓後先繼

先駕部
先尚書

先都轉
以縣令起家

自慚判六曹未嫻治譜治黽勉親簿書倉卒苦

嘗試古人重華資一行恥作吏臺省驕風塵文章陋政事倘
爲平情論中外亦何二飛英偶隨風飄茵等墮廁所憂令名

難冒謫致身易除官時有目登科歲有記雲煙倏過眼誰復識姓字

出門遠骨肉得友實性命唯此朋簪樂尤推京邑盛束髮事壯遊撫座交屢訂譚藝究得失對酒角負勝善則取以師過必起而誨老宿旣夙期儕輩亦久敬何幸素心多竟當吾世並匆匆別緒催款款同聲應作詩復作畫縞紵紛投贈用答勞人歌冀垂知者聽

更番數花信綠陰已扶疎我行其春歸駕言命巾車念昔輕去鄉今始還敝廬堆盤想朱櫻入饌思鱗魚上侍老親膳下牽弱弟裾到官何必速擬及秋風初爲語日邊客勿忘稷下書去住各努力歲月慎弃餘請堅白首約終卜青山居

次韻

吳錫麒

利濟念蒼生榮名希千載懷抱豈不雄末路戒其怠仕
與學等耳中有不朽在高蓋擁秋荷忽忽西風改虛車
飾目前外強內先餒古人能鑒之乃免世途悔知君善
庖人久已游刃待要葆清白心常畱未染綵隨時課農
桑吾慕龔渤海

君言束髮來足跡遍九州頗侈結交廣不厭人事稠矯
首青雲端接踵皆名流所嗟身瀟落文字無懸脩浮沉
在中禁徒與貧士游營炊朝衣典謀酒婦篋搜偶得司
馬官如在琵琶洲青衫揩暗淚忼慨袂欲投此去已老
馬此行如疲牛資斧苦不易欲發還淹畱

余生本單寒一瓊歷數世甘載長安居每憂食不繼幸
賴同心人并力硯田治欲求文章報徒沮經濟試願君
沈虛聲勿愧儒而吏撐拄萬卷書展拓吾輩事今昔勢
固殊其道良不二魚鹽涌腥波莫誤此身厠一琴與一
鶴料理亦容易倘念故人言尙望顏色記蓬萊鯉魚大
不減三歲字

莫謂此官閒千里荷

朝命別筵排匝月祖餞況云盛如何秋水心思與白鷗
訂古來可傳人亦藉名位勝煌煌恭毅公封事稱敢諍
至今喬木存瞻者生愛敬但能祖德述何翅昔賢並清
門美文采

聖世鳳鳴應功名遲早間終驗佩刀贈待慶海沂康輿
歌吾敬聽

故人日以遠短髮日以疎歸心牽萬丈宛轉如縲車衡
茅待經營白雲望吾廬君挾東海波身猶等涸魚何怪
耕田夫意欲輕簪裾辟羅若招人行當賦遂初習我治
生術當君活民書出處各有道慎勿求贏餘政成幸慰
我早來卜隣居

吳潤之

一代幾傳人求友量千載少年吐芒穎始奮半終怠眼
中朋漸稀屈指惟君在須眉秀松栢柯葉寒不改可憐
士無田乞外救貧餒先師箴干祿言行寡尤悔慎持席

珍軀別榻青雲待洪波滌現詞珠貝錯金綵吾能審正
聲大風表東海

君家南蘭陵來往於蘇州讀書負神力氣懾稠人稠十
年直鳳池歲月如奔流才名震冠蓋繫豈無蹇修君願
听然笑重聞天與游琳瑯列左右圖史紛雕搜時或狎
鷗鷺幽性愛汀洲驅龍抱珠睡珍秘羞閤投積資博五
品之官書汗牛一第難溷子掉頭寧復西

美官悅妻孥賢者志經世無論三代上兩漢宜可繼州
倅號端僚翊心贊上治赤繫古齊郡牛刀俱小試李膺
暨陳蕃胥爲此邦吏杜密識康成藻鑑甯盛事循吏與
儒林胡然判爲二豎儒聞時務詎辱遭踣厠苟能達其

行年過五十，匱勉知天命。齒髮幸未衰，聲華忌太盛。飛騰詩酒場，經史互商訂。偉歟北江洪，鐵膽萬夫勝。上書動闕闕，披腹効廷諍。

賜環放歸田與僊起生敬蘇程舊中表物論兩相並贊
彼豐山鐘鯨鏗聲四應到家亟相見一語煩遙贈閉戶
多著書

君與旌存爲中表昆弟少齊名

我材既冗散我性復迂疎
謁壁臥禪榻厭聞流水車
猥慙竊微祿養拙承明廬
一朝送君去如失同隊魚
手持

繞朝策心羨萊子裾新銜紫泥濕裝卸梅黃初側聞翁
健飯能作蠅頭書鄉音聞兒女譚笑歡有餘登堂夙虔
願長跪問起居

李鼎元

鯨島促歸期及歸已一載心隨陽雁飛意逐代馬急逢
人問京華故交幾人在齊年聞汪劍潭趙頭銜並日改也
知行路難不桀舉家倭高才困矮屋小就得無悔名山
信他年歲暮那能待富貴歸唐花色相皆翦綵去去勿
復言萬事石沉海

慨懷溯百代游神觀九州稻梁非不多雞鶩亦何稠元
鶴與冥鴻各自清其流忍飢恥爭食也覺雲路修朝偕

王鳥飛暮逐安期游百怪通精神萬象入窮搜竟欲小
八埏豈但凌十洲茫茫塵網中舉足任所投君看函谷
關紫氣來青牛不然東海上幼安且淹留

淹留復何爲入世如出世達哉白樂天風流定誰繼吾
聞民似水智有禹之治割雞用牛刀學道聊小試貧士
欲愛人莫若隱於吏先除刀筆心徐施惠義事文章與
經濟理一而實二幾輩稱通才到官乃濫厠知己時所
難盛名副不易珠須罔象求劍無刻舟記期月如有成
當寄簡元字

窮達固有時修短莫非命嗟予紫荆枝先折及春盛遺
文付君手死交十年訂語必求字安意惟擇理勝亦知

才可憐當念友原諍縱無五年長兄事敢忘敬況復文
陳豪驅鶴莫齊並但得登高呼空谷自相應漫矜一字
師而吝百朋贈毀譽任流俗付之勿視聽

門第似君少世交有親疎文字成一家廿年困公車豈
不樂泉石無田且做廬何能日飲水學彼河中魚貧女
欲謀食強顏飄輕裾誤落塵埃間誰復問厥初薄俗乏
情種罔用寫情書小人度君子剖腹敢畱餘他年如卜
鄰記訪李愿居

楊芳燦

自我別京華彈指廿餘載重來懷一刺造門意先怠試
數舊星辰落落幾人在登堂握君手各訝顏髯改拙宦

中外同無術免寒餒流光嗟晚晚觸處生吝悔譬如老
客歸華容不相待如何其娥媚明粧鬪腰綵我媿詣後
曹君愁佐東海

六雄兼十緊大郡推青州時平民物阜夾道桑麻稠司
馬雖聞曹古來多俊流權非半刺輕政要百廢修宣云
贊畫諾甚或誇宴遊判事偶休暇巖壑供真搜戔戔琅
邪臺凭高望瀛洲雲濤入奇懷秀句囊中投官清惟對
鶴俗美無佩牛行當書上考驥足宜淹畱

君家尚書公嶽立冠當世一門循卓行奕葉雲祚繼君
抱經世才學古期致治中禁久迴翔出守非輕試惠澤
撫民昨高風肅僚吏匪勉企前徽莫問升沉事聲名與

官職得失判然二如蘭漸滫醴如花墮齒厠誠知樹立
難敢羨飛騰易百首江州詩一卷柳州記餘力主風騷
結習在文字

明明燈燭光樽酒起相命束髮得交君英才一時盛豈
無嵇阮流慷慨交期訂君如山巨源正以識度勝天懷
葆冲粹無煩効規諍獲上而治民惟在持久敬努力宏
遠謨聲華古人並迷途馬能識叩石桐能應願將終身
寶用作臨岐贈三疊鼓清琴知君不失聽

羨君返故園榆柳青扶疎樂全老尊宿杜門久懸車喜
君捧檄還呼童掃庭廬華樽酌家釀雕盤進江魚膝上
置文度嬉笑時牽裾之官有期程棹桂秋風初勞形勢

竿牘寄興仍琴書恬澹識君心裁足益求餘殷勤申後
約共卜名山居

洪飴孫

大雅久不作相思越千載斯人在天壤兀兀豈容怠俯
仰典籍中結契良有在憶昨方高吟忽報一階改浮官
逾十稔童僕怨寒餒升沈非所計出處益有悔脂車更
秣馬早見僕夫待行將咏素絲歸先戲班綵橐筆陟岱
宗蒼茫望東海

環海富民物九點紛齊州遠登之罘山俯見人煙稠側
聞牧民吏今古多名流丈人今徂東益復光前修鋒車
多餘閑訪俗成良游樂石與吉金復可資冥搜憩棠將

作歌栽花或名洲司馬非枝官政貴得所投庶見獷悍
風賣劔更買牛欲治無近功請爲蒼生畱

自從尙書來先德逮五世簪纓涉中外奕葉有良繼商
邱暨遷江遺愛垂所治操刀而烹鮮此豈可嘗試淵然
念清節不敢恥爲吏丈人今佐郡五馬涖民事文章與
政術此義本非二清門傳治譜魚鹿有涪厠鳴琴聞海
上百族感平易嘉州與道州循良炳前記不見中興碑
至今畱姓字

夙昔仰襟懷交友等性命迴翔在臺閣冠蓋益稱盛舊
雨契本深同岑心屢訂傳樽互酬唱聯騎訪名勝神交
固忘形石友亦兼諍縉綬以言情箴規卽生敬風雅孰

主盟此會後難並幽人矢好音空谷聲四應連篇誌良
別彌月有投贈展卷一朗吟遐思發清聽

四月已初夏榆柳夾路疎祖道國門外歷碌催征車暫
揮京洛塵辭此承明廬江鄉當斯時入市富藕魚五日
競渡喧猶及聯襟裾知交半契闊最好晤面初歸途見
吾翁再拜附一書南望白雲深游子意有餘何時從勝
游長跪問起居

丁履端

世交逾百年心交逾廿載惟予與女交歷久云胡怠君
身固無恙吾舌幸尙在親承詩禮訓素風詎敢改道義
充厥躬其氣乃無假吾性偏直疎中廷集尤悔君志最

高諒上珍期有待春風發奇葩真色非剪綵春水灌平
疇朝宗自趨海

聞君出西掖佐郡除青州何以乞外除湖亭秋錦稠一
官爲親屈五品非下流綽綽詩酒間內敏倫清修勉思
展驥足莫謂汗漫遊歡愉義同樂疾苦勤冥搜苟能康
海沂何事登瀛洲明珠照千乘光益非暗投高風溯琴
鶴皓月離斗牛抗懷希范富舍此當奚留

親年登八旬康強樂

聖世定省縱多缺旨甘幸常繼幡然思循陔先把歸裝
治暮春出國門輕寒猶早試人能作孝子方許成良吏
竭力與致身皆吾性中事所忠求仕急寸心偶岐二雖

紆金紫貴優孟恥濫廁洎養誠可欣得歸又非易此行
宜努力好著趨庭記讀易占女貞十年重乃字

我生最艱苦近甫能安命鬢容憐已衰腹疾愁轉盛琴
樽久荒擲強抱簿書訂破甑重苟完敢云以直勝茲來
如眉鈎有過先自諍反求不得直中夜起畏敬親民官
實難卓魯竝易並君子平其政安在誇肆應十年交有
道深媿瓊瑤贈爨下有焦桐清音徹天聽

三月得一書訝君何我疎新詩五百字一字載五車獨

畱真面目相對如匡廬殷勤索和章尺素藏鯉魚

希幅君所

寄也吾儕重氣誼莫侈題簪裾願君守家學靖共慎厥初

庶幾一從事賢於十帑書託心塵規祝辭色皆塵餘蒼

生望安石東山並久居

都門送行作

邵葆祺

手板匆匆去江南有老親鄉心千里近宦味廿年貧已
許分符貴仍看舞綵新薇郎除目換遙慰白頭人

卻喜官資雅銜盃坐嘯餘齊州傳異釀魯殿覓殘書編
戶寬租後公堂簡訟初近聞防戍緩應免出征車

妙有滄洲越三山儘臥遊潮痕空際滅天影幻中浮興
逸思飛棹吟酣定倚樓何當攜鐵笛同望海門秋

落落鬚眉古名場一第難偶教參天郡容易去長安醉
後婆娑影貧餘本分官家風青史在廉吏舊門關

五世聯交早慚予弟子行迎門偏倒屣擊鉢更飛觴故

步追西掖微官奉北堂友子如問訊爲報不能狂

家兄時知

濰縣事

綺砌翻紅藥將離贈一枝觚稜餘往夢廳壁待新詩海
郡雲千葉河橋柳萬絲青衫多別淚相送日斜時

姚文田

壯歲忝竊官幸入清華省趨朝日始晨襍被漏方永追

隨得名流風雅夙所秉

余始入薇省先生卽招同直

齊梁意方駕韓

杜力馳騁文壇樹堅幟古籍理修綆休暇屢過從談笑

輒移景形迹久漸忘雄辯有時逞長安未易居囊粟苦

支領文史誇東方安得侏儒請廿年改一官驅馬入齊

境頗知閒曹閒謂勝冷官冷繫余夙昔親聞此心耿耿

宦迹隨風塵孰測萍與梗何當繼前游良夜燭重炳
江左推高門循良有遺澤仕也非爲貧努力守清白仁
風扇海隅膏雨被春陌以此方寸心起彼溝渠瘠青州
實雄郡夏書記廣斥地利饒魚鹽土沃宜稻麥所憂民
風悍是乃司牧責經術可設施艱難仗規畫勿言枳棘
棲民物待滋液吾祖昔作宰亦此典繇劇尸祝在里閭
惠政流貞石越茲已百年人民幾更易煩公搜志乘爲
我訪遺蹟

先高祖爲昌樂令有惠
政民私祠之後祀名宦

張問陶

老占才名第一流青衫人擬白江州乍辭綸閣猶簪筆
遙想神山定倚樓駟衍竊冥談大海曹參清靜相諸侯

堯封禹貢應如昔且爲鱸魚問錦秋

詩酒流連處處同男兒未信可憐蟲生來天骨成儀古
論到錢神意氣窮經世最難通雅俗憂貧莫更累清雄
家聲檢點賢良傳琴鶴蕭然是古風

浮沉中外海茫茫官爲陳情近故鄉冷宦何難畱晚節
清名容易慰高堂身無民社新詩好地接江湖舊夢長
五十頭顱堪吏隱飛騰休入少年場

臨岐相對感清門廉吏同畱五代孫勲業何年承世澤
文章無處答

君恩塵中幻境看雲影衣上閒愁驗酒痕惆悵東橋輕
話別一重楊柳一銷魂

法式善

甘蔗海南植牛乳薊北產自然氣味投詎人所料揀獻
賦試上等君昔多白眼賤子蒙青睞春風託醴醖忽忽
二十年握手增愧赧偃蹇荒澗柳蕭疎雲不綰幸未失
舊業一燈事述撰屈宋作衙官亦復持手板

茹膏既苦肥食骨復嫌硬君能渾剛柔交者久而敬詎
惟閱歷熟肫懇實天性官不論大小凜凜

朝廷命側聞恭毅公流風與善政凡事宗家法清光百
年映世方出新意花樣一時競造物深忌才慎勿名太
盛

昔年文成公愛君筆墨際欲薦直樞庭忌者肆詆訐低

首試禮闈不冒通關節鋒芒雖屢挫心自堅金鐵陽春
大地回深澗無冰雪幽谷蘭芷花獨與桃李別快慰南
陔歡且自東州悅多謝金閨彥慎勿笑蹉跎

我自與君交始治散體文君力主雅正弗事搜典墳五
城十二樓何嘗輪奐紛真氣自結構隔絕人間氛方謂
一瓣香可以時時薰忽然天風來吹君入青雲稷下舊
講堂至今期會勤廬陵暨眉山卓卓治行聞官閣松廚
開宿醺梅花醺脫稿倘相贈望遠情慙慙

馬履泰

曾賦長楊奏

漢廷廿年陳迹感薇廳文章不入新花樣官職偏居舊

酒經分日交情招別燕上天難事出都亭裁牋爭和公
垂句移燭同摹玉局形本分得官無赫赫恒言諱老柰
星星縣雖遣譜仍加飭厝卽迎觥且守鉅櫻筍最佳歸
里喫琵琶縱好隔舩聽三千年有遺碑赤九點煙唯此
郡青馬耳試憑詩遠眺牛山何用涕空零儻從歷下趨
公府定向湖邊踰釣舩名士例須登客渚故人題已徧
鴻汀我沉黃散憐卑冗意欲蒼茫看渤溟市上臺卿誰
復識夢中賓石詎無靈他時東道君爲主一笑相逢倒
綠醕

張雲璈

驪駒曉唱春明路被省仙人赴官去赴官卻在東海頭

知是齊煙最深處先生奕葉名卿後甘泉秦賦相如手
廿年身在鳳皇池蘇賈聲華喧衆口長安米貴不易居
朝官清味水不如一朝乞外佐大郡牙緋坐擁屏星輿
是時祖帳臨官道三月風光天氣好夾路風翻謝女綿
黏天雨潤王孫草行者手折楊柳枝送者口歌楊柳詞
柳辭歌出各有意請公滿酌黃金卮或言

朝廷重名牧謂公莫嫌作吏俗會看瀛部著康歌定見
熊幡撫符竹少卿終竟得高箱長史何容膺陋祿豈有
王融嘆乏騶肯教蘇則憐驅鹿或言公本清華人起家
甲族爲詞臣蓬山自許栖逸翮弱水豈可無翔鱗牙甯
口脂賜臘日銀泥御酒儲三辰玉堂花開移禁旭金鰲

背穩祛凡塵胡爲連歲懷租課頭銜乍改猶逡巡才華
突過裴士禮遭遇似輸張景仁我聞其言增莞爾公之
較量豈爭此文章自重官爵輕位不稱名焉足擬聲稱
早日滿天下姓氏常時挂喉齒縱令伏處向衡茅何損
當時清望美果使先生遽通顯反恐求全還得毀卽今
庭闈正無恙一檄安陽殊可喜苟能如是願已酬人生
之樂更誰比吁嗟乎人生之樂更誰比羨公飛轡省親
還歸心先渡蓉湖水

立夏後二日伍堯侍講

法式善

招遊極樂諸寺飯萬泉莊

復過聖化寺小憩而歸卽次原韻

行西復西彌望山色秀新霽釀薄陰朝暉出未透良朋頗

契闊是日各奔湊花事盛精藍茶煙颺清晝聊追方外遊藉
洗胸次陋世網苦羈縻私心殊刺謬

侍講扶大雅所集皆名人哺啜亦風流周旋多率真且爲偷
閒客誰證不壞身驚心斗轉已瞥眼參與辰谷風飄習習池
水生粼粼韶華去未久傷別兼傷春

言訪丹稜泝車停似舟泊安得漁釣終盡解情愛縛聚談互
出奇有酒獨亦樂藤陰綠漸濃楸花紅不落名泉二十八一
一費疏鑿倘許遂重遊宜辭趁雙腳

聖化接萬泉清淨隔塵土天風颯然來雲黑勢欲雨長河波
浪闊絕巘松杉舞已收臺池勝遂以原野補客懶或未從境
幽當遠取唯嫌文字習面壁愧初祖

杜大令

羣玉

入都以玉峯學舍餞春詩見示次韻題後

筵開櫻筍又經時想見江鄉是處宜重聚勞蹤塵似海仍依

禪榻髣髴絲

時君寓伯院

干卿何事春來去於我如雲宦等差輸

與鄭虔官耐冷

謂呂廣文星垣

十年契闊費沉思

題葉進士

紹本

詩後

堦鄉風月費評衡茗雪詩人得氣清莫道文章憎命達才名

原不碍科名

兩重同譜

余與兩哲兄君與族弟任之先後齊年

十年思別太慇懃見太遲我

倦趨塵君發輟幾時翦燭更論詩

鄒虞部

文煥

招飲藤花吟舍分得獨字

水部雅好客當春酒常漉每逢藤花開客至多不速去年花

事盛萬紫紛滿目今年花事寂一枝斜傍屋盛固競芬菲寂
亦媚幽獨主人興自豪招邀盡名宿神仙句曲來謂茅學別
士元銘別
又幾寒燠持觴互傾倒拈韻戒重複既多文字緣亦饒飲食
福惜哉離緒催何時高會卜

四月十日徐祠部昆招游萬柳堂

少小遊京師卽聞萬柳堂蹉跎垂卅載欲往願未償今別春
明行作吏城北徐君真解事謂予此去赴益都平泉舊蹟宜
先至驅車同過廣渠門一奴長須攜榼尊垂楊幾樹老未化
傑閣數椽歸獨存當時裙屐俱超卓袂仿蘭亭飲河朔園林
已繼廉野雲書畫更同米海嶽金谷無端屬季倫堂歸
石氏豈知
金谷亦荒榛燕泥落盡人煙冷螭淚銷殘佛火新生存華屋

誰能久但保榮名方不朽望奢空慕萬間厦別促聊傾一杯
酒酒闌遍涉堂東西陂陀小山清淺溪登臨自觸廢興感鈞
月漸上斜陽低蓬飛萍泛渾難測此會卻從無意得期君它
日守青州長共雲門醉秋色

五月初三日出都晚過盧溝作

日暮盧溝畔驅車第一程得歸真不易久戀亦何成已判人
天夢猶牽去住情客心正孤迥況值月初生

五日雄縣既填得滿江紅一詞陳舍人

希哲

復成二律并

次其韻

是何濡滯始成行卻使天中在客程有酒應澆趙州土知君
先夢闔闔城空思放鴨酬佳節

吳俗五日放鴨水中人爭捉之爲競渡之意

誰辨

聞雞非惡聲，慚媿雄心銷。欬盡停鞭怕問此邦名。

勞人無計息征車，三徑將荒二頃虛。過眼流光驚野馬，關心衰病感河魚。雲英是幻何加我，泉那能清合問渠。難得此緣申昔款，重聯晨夕卅年餘。

慢河旅次用壁間吳二階韻

黃塵兼暑抗白髮，逐愁飄宦境茫無定。離魂黯已銷其登輪，捷足欲舞少纖腰。襜褕被驚殘夢猶疑事早朝。

兗州道中二絕句

少陵東郡昔趨庭，我爲宦親此復經。底事萊衣輕脫卻，十年依舊一衫青。

潞洄泗水抱城斜，雨後纖塵不上車。忽訝新紅出深綠，馬頭

低拂馬纓花

次韻答陳舍人

希哲

見贈

契闊頻年後天教跡復親那堪仍故我大抵不如人短髻重
添雪征衣未浣塵墜中蕉鹿在得失竟誰真

晨星今盡散舊事少人知縞紵投原久雲霄到亦遲范張千
里駕蘇李五言詩珍重前遊續蓬窗翫燭時

莫苦謀生拙名山業可成閒鷗無俗夢雛鳳有清聲我亦愁
家累因之擾宦情倘容歸種秫早視萬緣輕

日暮塗猶遠幾時身自由攤書令遮眼種竹欲過頭香採銅
坑信波看木瀆流結鄰期踐約散髮共扁舟

渡河

五兩懸同百丈牽篙工爭趁午風便天空鳥雀晴無影浪靜
龍鼉晝自眠忠信敢邀神肩鑒宜防要仗吏能賢青衫人向
黃河渡回首前塵又十年

過關行

三日過兩關一關一鎖鑰歸人思舊飛風利轉停泊長年畏
津吏攜貨私納錢羈客請放行豪奴日高猶倦眠關前挂帆
旦暮候關上開筵酒肉臭朝聞新使欲下車此時更急謀肥
家吁嗟乎司農歲入十之一餘者都歸若曹室利之所在弊
卽因但有治法無治人天下患豈唯關津

壬子入都自揚至淮所過多親故款洽今半凋喪矣感而
有作

淮流直下古邗溝冠蓋林泉憶舊游一樣笛聲明月影蕭條
不似往年秋

到家

到家誰最樂第一老親安弟姪爭牽袂朋儔各具餐已拌三
月住聊補十年歡別有劬勞感焚黃欲讀難

六月八日吳廣文

振鐸

招飲卽事

征塵纔息後便得荷嘉招握手情先洽開筵暑已銷釀參南
北味

予飲
饒春

詩雜短長謠雅令更番起宜辭燭屢燒

再世聯交誼相於在紀羣

鄭南文垣
與余同譜

經還傳舊業才足張吾

軍衡宇居如接晨昏訪令勤此歸畱尙久好其細論文

哭張昌

我妻君祖姑戚誼已三世念昔入春明相依凡五歲朝昏其
繾綣寒暑屢更替高譚每開襟同出或連襁居然形骸忘不
以輩行計前年始得官嶺海苦迢遞頗行有贈言曾勸酒剛
制破產始攜家憂貧累非細豈知予昨歸爾赴已先至浮生
本幻泡斯人太浮脆堂前有衰親仰事屬於弟煢煢嬾與女
一脉竟誰繼因賦新大招彌哀昔永逝此境亦云窮天道洵
難諶

七月十二日集沈廣文

元輅齋中

風來天未雨如絲涼意今朝入酒卮看到蓼花疑在水聽殘
竹澗似催詩七賢觴詠吾真忝十笏琴書君自宜且喜敝廬
真尺咫醉人歸去謝扶持

附和作

半榻茶煙颺鬢絲佳賓接座酒盈卮綠陰搖曳敲窗竹
白雪玲瓏落紙詩南阮雙眸能洞照東坡滿腹不時宜
倚樓長笛翻新調一片冰心好自持

汪氏雙節詩

吾聞汪筵遠

輝祖

今之古循吏當官所設施累紙不能記及

讀述德文始知來有自父以行誼聞母以孝節示當父殉嶺
南家乏立錫地卓哉兩孺人匍匐矢大義入承君姑歡出禦
外侮至孤兒方纔鄰教養抑何摯悉由十指供常念六尺寄
兒勤母解頤兒情母垂淚星霜看遞更冰葉嘗已備兒分得
成立母也幾勞瘁視彼殉身命畢竟孰難易同邀綽楔樹復

荷

絲綸賁母德藉云酬子願庶幾遂豈知孤兒心至老猶不匱
苟能廣闢揚罔惜遠羅致傳人萃一門蕪筆窮五字持此挽
澆風于焉有深冀

七月十八日訪龔先生

顯祖

於震亨堂爲題張

洽

丹楓翠

竹障子

雙楓老而丹叢竹秀而翠楓丹如顏酡竹翠比玉粹屠維之
冬月上旬先生五十覽揆辰玉川張叟工繪事作此介壽誇
同人流光彈指逾廿載楓竹精神較前倍我來重過震亨堂
素壁高懸此圖在先生鶴髮身康彊偕老鴻案猶相莊孫曾
後起卜餘慶眼前蘭樹都芬芳殺雞爲黍咄嗟具更出新醅

滿杯注絳帷小別今十年師弟情深欣道故先生經歲未入
城種花獨得花性情春色不如秋色好秋色能與風霜爭京
塵久滯吾游倦親老敢爲升斗戀願攜鴉嘴隨灌畦十畝之
間當一面展圖請爲先生吟有酒莫辭日夕斟歲寒尙擬結
鄰住楓竹還應鑒此心

題方大

葉

所畫慈竹居圖爲朱孝廉

爲弼

千个琅玕綠繞門課兒纔罷課諸孫傷情別有蠶叢路染盡
湘江無限痕

容易高秋一鶚飛遠游心事總依依那知日薄西山後不待
南宮下第歸

渲染煙雲墨尙鮮寫圖人已隔重泉恣恣展向秋風看抵讀

陳情表一篇

金氏園林雜詠 并序

金少權以後圃五景屬方蘭士寫之便面並作詩文紀
之今來桐鄉兩君皆已殂謝少權子 承蔭 出以索題遂
各系斷句志人琴之感焉

空亭傍東郭想見昔登臨遺墨雙雙懸處重來慘客心 亭榜爲蘭士書

柱帖爲少權書盍簪亭

碩黃日在手摹拓多妙迹金石以人傳人壽非金石 響搗

金帶真如夢將離作永離藥欄猶在目乘興竟無期 芍藥

生計託灌園在山泉自好方羨晚節香西風何太早 醞花

老友凋零盡唯餘鮑叔畱夕陽西下易我願挽東流 延淥軒爲鮑淥

飲作也

爲陳舍人

希哲

題目存和尚重臺桂卷

夢以兩岐聞芝以三秀數肖翹苟稱瑞所生必佳土栽栽太
邱門實爲德星聚庭桂半榮枯中忽靈氣鼓有花作重臺四
出而成五目存今巨然筆可造化補寫生信神妙詠物遂覩
纓開卷卽親懿卷首題者爲張天農先生
德純余妻張宜人之祖也餘幅遍簪組果然
挺孫枝科名爭接武杏自倚雲栽藥看當階舞此圖七十年
陳迹空仰俯舍人謹什襲述德不忘祖旣同范硯珍將與魏
笏伍我來重披展但覺墨香古

子猷

校字

姪學彭

亦有生齋集詩卷第十九